



ԱՄԵՆԱՅՆ ՀԱՅՈՑ ԿԱԹՈՂԻԿՈՍ ԳԷՈՐԳ Զ-Ի ԿՈՆԴԱԿԸ ՀԱՅՐԱՊԵՏԱԿԱՆ ԱԹՈՌԸ ՍՍԻՑ ԷՋՄԻԱՇԻՆ ՏԵՂԱՓՈԽԵԼՈՒ 500-ԱՄԵԱԿԻ ԱՌԹԻԻ

ԳԷՈՐԳ ԾԱՌԱՅ ՅԻՍՈՒՍԻ ՔՐԻՍՏՈՍԻ

ԵՒ ԿԱՄՕՔՆ ԱԶԳԻՍ ԵՊԻՍԿՈՊՈՍԱՊԵՏ ԵՒ ԿԱԹՈՂԻԿՈՍ ԱՄԵՆԱՅՆ ՀԱՅՈՑ, ԾԱՅՐԱ-
ԳՈՅՆ ՊԱՏՐԻԱՐԺ ՀԱՄԱԶԳԱԿԱՆ ՆԱԽԱՄԵՍԱՐ ԱԹՈՌՈՅ ԱՅՐԱՐԱՏԵԱՆ ԱՌԱՔԵԼԱԿԱՆ
ՄԱՅՐ ԵԿԵԼԵՑԻՈՅ ՍՐԲՈՅ ԿԱԹՈՂԻԿԷ ԷՋՄԻԱՇԻՆ

Շնորհազարդ Կաթողիկոսի Տաճն Կիլիկիոյ
Տ. Գարեգնի Ա, Ամենապատիւ Պատրիարքի
Հայոց Ս. Երուսաղիմայ Տ. Կիրոյի Բ, Ամենա-
պատիւ Տեղապանի Պատրիարքութեան Հա-
յոց Թուրքիոյ Տ. Գէորգայ Սրբազան Արեւ-
պիսկոպոսի Արսլանեան, Գերաշնորհ Առաջ-
նորդաց, Հոգեշնորհ Փոխանորդաց, Բարձրա-
պատիւ վանահարց և միաբանական Ուխ-
տից, Ամենայն Աստուածաճանդոյ եկեղեցա-
կան, բարեգործական և ուսումնական Հաս-
տատութեանց և համայն ժողովրդեան ի մալ-
րանի երկրի բնակելոց և՛ նժողեհութեամբ
սափեալ՝ ի տար աշխարհ սփռելոց ողջոյն
սիրոյ և խաղաղութեան հասցէ ի Միածնաէջ և
փրկական Ս. Կաթողիկէէս և Ս. Լուսաւորչին
մերոյ Աջէս:

Դարձ հինգ և տարիք հինգ անցին ի վերայ,
յուրմէ յետէ Արքուն Հայրապետութեան Հայոց
փոխեցաւ ի Սիս փաղաֆ Կիլիկիոյ անդրէն ի
բնակ տեղին իւր ի Ս. ԷՋՄԻԱՇԻՆ, ի Վաղար-
շապատ փաղաֆ, ի կայս թագաւորաց մերոց
Արշակունեաց. ուր զառաջինն հիմնեցաւ ձե-
ռամբ սրբոյն Գրիգորի Լուսաւորչին մերոյ
ըստ տեսլեանն, որպէս աւանդէ Ագաթան-
գեղեայ պատմութիւնն:

Բայց ոչ ընդ երկար և հաստատուն մնաց
Արքուն ի Վաղարշապատ փաղաֆի, քանզի
ազգի ազգի հանգամանք հարկ ի վերայ դնէին
Կաթողիկոսացն Հայոց փոփոխել գտեղի բնա-

կութեան իւրեանց, էր զի վասն հաճապագորդ
բանակցութեանց ընդ տիրոջս աշխարհին
մերոյ և էր զի յերեսաց արշաւանաց հիշից.
որ ստէպ ստէպ գային: Ըստ այսմ տեսա-
նեմք, զի անդէն ի վախճան դարուն հինգե-
րորդի փոխեցաւ Արքուն Հայրապետութեանն
ի Դուին, յորում նստէին մարգարէք Հայոց
և անտի ընդ ժամանակս ժամանակս փոխեալ
յԱրամոն և յԱղբամար, ի Վարագ և յԱնի.
ի Մոփս և Հոռմկլայ և հուսկ ուրեմն յամբն
1292 ի Սիս փաղաֆ Կիլիկիոյ, յաթոռանիստն
թագաւորացն Հայոց Ռուբինեանց, ուրանօր
եկաց մնաց մինչև ցամն 1441:

Այլ կարի աղէտալի եղև այս վերջին փո-
խադրութիւն Արքուն զի մինչ Կաթողիկոսն
Հայոց ի Սիս փոքրային ակն ունելով հաս-
տատութեան իշխանութեան իւրեանց օգնա-
կանութեամբ մերազնեայ իշխանաց և թա-
գաւորաց Ռուբինեանց, սոքա ինքնին ուրա-
ցան զմայրենի եկեղեցին իւրեանց և յայտ-
նապէս ընկալան զդաւանութիւն եկեղեցոյն
Հռովմայ, զոր յանձն առին նոքա վասն փա-
ղաֆական ակնկալութեանց, յուսացեալք եթէ
օժանդակութեամբ արքայիցն Երուսղիմոյ յա-
ջողեսցի նոցա պահել զիշխանութիւն իւրեանց
ի Կիլիկիայ, որ շուրջ պատեալ էր մահմետա-
կան սուլթանօք և առ այս հարկ էր հաճել
զմիտս պապիցն Հռովմայ, ըստ որոց հրամար-
ոչ իշխէին արքայք Երուսղիմոյ առնել ինչ յօ-
գուտ ֆրիստոնեայ իշխանաց Կիլիկիոյ, որք

հերձուածողին էին յաչս եկեղեցւոյն Հռովմայ: Թէպէտ և ի դերև ելին յոյսք թագաւորացն Ռուբինեանց և ոչինչ նպատ օգնեալեութեան զտին յաւեմտից կուսէ. սակայն օր ըստ օրէ յաւելուին ջանք միաբանելոյ զեկեղեցիին Հայոց ընդ Հռովմայ, հայթայթանօք միաբանողաց հաւատարսից, որք ունիթօրք կոչին: Զբանա՝ ըստ օրինակի թագաւորացն Ռուբինեանց՝ Կաթողիկոսք ոմանք Սսոյ թուրք հպատակութեան գրեցին առ պապս Հռովմայ, որպէս և շատ եպիսկոպոսք սրտի մտօք քիտեալք էին զկնի միաբանողացն մինչև ժողովոյ ինչ լինել ի Սիս, ուրանօր ընդունէին ինչ ինչ ձէսս և զբան դաւանութեան կատինացոց: Այսպէս օր քան զօր վաթարէր և նուաստանայր կաթողիկոսութիւնն Սսոյ և մերձ էր ի սպառ կործանումն:

Զայս աղետ տարակուսի ուշի ուշով դիտէին վարդապետն Հայոց արևելեայք, ի վանիցն Հաղբատայ և Սանահնի և Սիւնեաց, որք յաւուրց անտի ներսիսի կամբռնացոյ տեսանէին զվտանգ եկեղեցւոյ մերոյ ի նորասիրաց և ցանկացողաց միաբանութեան համօրէն եկեղեցեաց քրիստոնէից և ել՝ հնարս խնդրէին գերծուցանել զանկախութիւնն եկեղեցւոյ մերոյ ի հաւրից կեզմաւոր միաբանողացն:

Եւ իբրև ամենակն բարձաւ իշխանութիւնն Հայոց ի Կիլիկիոյ, ժամ պատեն համարեցան վարդապետն արեւելից ձեռն ի գործ արկանել փրկել զեկեղեցի մեր: Ի ձեռն նուիրակաց ծանուցին նոքա ամենայն վանօրէից Հայաստանեայց, «եթէ ի մտի ունէին ընդ հուպ հրաւիրել զնոսա ի խորհուրդ մի բարի և օգտակար»: Առաջնորդ այսր խորհրդոյ էին Յովհաննէս վարդապետ Հերմոնեցի, յաշակեռաց և յաջորդ մեծի վարդապետին Գրիգորի Տաթևացւոյ, որ զառաջնորդութիւնն իսկ ունէր զՏաթևայ վանից, Թովմաս Մեծփեցի, առաջնորդ սրբոյ Ուխտին Մեծփայ, նախանձախնդիր իշխանութեանն Ս. Էջմիածնի: Առ ժամ մի լոնալ մնայր զաղտնի խորհուրդն, մինչև հնարիւք իմն, ձեռնաւորութեամբ ոմանց հաւատարիմ եպիսկոպոսաց Սսոյ յաջողեցաւ կորզել ի կաթողիկոսարանէն Սսոյ զԱջ Սրբոյ Լուսաւորչին, քանզի ըստ վաղեմի սովորութեան Աջն համարեալ էր իբրև կնիք և երաշխաւորութիւն օրինաւոր հշմարիտ Հայրապետութեան, զի որ հշմարիտ հայրապետն իցէ առ նմա անկ էր լինել և Աջոյ Ս. Լուսաւորչի կամ որպէս ասէ Առաքել պատմագիր— (Գլ. Ժէ)— «Ի վերայ Աջոյն և

Էջմիածնի ամենայն ազգն Հայոց կապեալ կան»: Երև ծանեան վարդապետն. եթե Աջն հանեալ էր ի Սսոյ և գտանի ի Ս. Էջմիածնի, ապա յայտնի հրաման ետուն ամենայն եպիսկոպոսաց և վարդապետաց զալ հասանել ի Ս. Էջմիածին յամին 1441 ի խորհուրդն սուրբ և օգտակար: Եւ ժողովեցան յամենայն կողմանց Հայաստան աշխարհին եկեղեցական անելի քան զերիս հարիւս, եպիսկոպոսունք, վարդապետք, վանահարք, առաջ երիզունք, այլ և բազում արք, որոց ոչ էր հնար զալ՝ թղթով ծանուցին զմիաբանութիւն իւրեանց: Եւ յաշխարհական կարգէ բազմութիւնք ազատաց և ազատորդեաց և տանուտեարց: Եւ եղև ի Վաղարշապատ քաղաքի ժողով մեծ Ազգային-եկեղեցական:

Ի ժողովի անդ միաբան հաւանութեամբ ամենեցուն հաստատեցաւ, քանզի չէր հնար ի Սիս քաղաքի գերծ պահել զեկեղեցիին Հայոց, զդաւանութիւն և զկարգս եկեղեցւոյն Հայաստանեայց յազդեցութենէ Յոսեփեայ և չէր այլ ևս պատեալ ինչ պահելոյ զԱթոռ Հայրապետութեան Հայոց ի տար աշխարհին, հեռի ի ժողովուրդն Հայոց, ապա հարկ անհրաժեշտ կայր փոխել զԱթոռն Հայրապետութեան ի Սսոյ անդէն ի Վաղարշապատ՝ ի բնակ Մայր Աթոռն Հայոց: Եւ քանզի ոչ հաւանեցաւ Կաթողիկոսն Սսոյ զալ ի ժողով անդր, յոր հրաւիրեցան, ապա հարկ էր ընտրել նոր կաթողիկոս: Ըստ այսմ մեծի հաւանութեան միաբան ամենեքեան ընտրեցին զՏէր Կիրակոս Վիրապեցի, յաստիճանէ քանակութեան, զայր սուրբ և բարեպաշտօն, հեզ և խոնարհ, ի Վասպուրականէ, որ ի վերջին ամս միայնակեցութեամբ կեայր ի վանս Վանաստան մերձ Ակոռի գեղջ յոտն Մասեաց: Զկնի միաբան ընտրութեան համօրէն ժողովոյն ետուն նմա նախ զգաւազան վարդապետութեան, ապա ձեռնադրեցին եպիսկոպոս և յաւուր տօնի Համբարձման Տեառն, յամին 1441, օծին զնա կաթողիկոս Ամենայն Հայոց և Պատրիարք Աթոռոյն Ս. Էջմիածնի:

Զէ կարգ բանիս յիշատակել զանցն որ անցին ի Ս. Էջմիածին ի վերջին հինգ դարս, զաւուրս նեղութեանց և հարկապահանջութեանց, զշինութեանց և բարեկարգութեանց Հայաստանեայց եկեղեցւոյ. զայս ամենայն ըստ խնդրոյ Մերում գրէ հանգամանօրէն եղբայրն Մեր ի Քրիստոս Տէր Գարեգին Ա. Կաթողիկոս Տանն Կիլիկիոյ, յորմէ զամենայն ինչ մարք է ուսանել:

Զայս և եթ հարկ է ասել, զի այս վերջին

փոխումն Հայրապետական Աթոռոյն ի Ս. Էջմիածին կտրի իմն նմանութիւն բերէ ելիցն Խաւայէի յնգիպառու. զի որպէս անդ յառաջ-
հումն Խաւայէլացիք փրկեցան ի դառն ծառա-
յութենէն և գէրութենէն եղիպապացոց, ըստ
սմին օրինակի և դարձն կարողիկոսաւանին
ի Ստոյ ի Ս. Էջմիածին փրկեաց զեկեղեցի
մեր ի գերութենէն և ատիկացոց եկեղեցւոյն և
հաստատեաց անվկանդ զազատութիւն և
զանկախութիւն եկեղեցւոյ մերոյ և նորին
Հայրապետաց յորոգայթից բանսարկովն:
Որում քաջ հաստ Եղեալ ռմն ի պատգամաւո-
րացն եկեղեցական ժողովոյն, որ գումարեցաւ
ի Ս. Էջմիածին յընտրութիւն նորոյ կաթո-
ղիկոսի՝ առաջի աւար ժողովոյն՝ յաւերժացու-
ցանել զայս տօն յիշատակի արժանավայել
իմն եղանակաւ: Ընդ որ հանեցյալ ժողովոյն
սահմանեաց զամս վեց (1941—1946)
անուանել ամս յաբելիւնի և կատարել հանդէս

յամենայն եկեղեցիս Հայոց: Ի տիպ արձանա-
ցուցանել զպատմութիւն եկեղեցւոյ մերոյ յա-
մէ փոխման Աթոռոյն ի Ս. Էջմիածին մինչև
ցայսօր: Ընդ սմին և Մեքարժանի համարիմք և
պատուիրեմք, զի յայսմեմեմ յամենայն օրա-
ցոյցս եկեղեցւոյ մերոյ յաւուր տօնի Համ-
բարձման Տեառն յաւելցի յիշատակս այս
Տարեդարձ փոխման Հայրապետական Աթո-
ռոյն Հայոց ի Ստոյ ի Ս. Էջմիածին յամի
Տեառն 1441, և պաշտել յեկեղեցիս զայս
տօն ազգային հանդիսի և մաղբանօք և եր-
գով «Էջ Միածինն ի Հօրէ» շարականին:

Աղաչեսցուք զԱմենակալն Աստուած, զի
անսասան պահեսցէ զեկեղեցի իւր սուրբ
յամենայն բշնամեաց երևելեաց և աներևո-
րից, և կարդացուք առ նա ըստ հանապազօր
մաղբանաց մանկանց եկեղեցւոյն՝ «Բարեխօ-
սութեամբ վերին քո զօրաց միշտ անշարժ
պահեա զԱթոռ Հայկազենայց»:

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

ՏԷ. . . 28

Տուաւ կոնդակս ի 20-ն սեպտեմբերի 1946 ամի
յերկրորդում ամի Հայրապետութեան Մերոյ

Ի Ս. ԷԶՄԻԱԾԻՆ